



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIV

BROJ: 242

DATUM: 2.6.2017.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Održan radni sastanak direktorice i predsjednika Saveza	1
Održana Generalna Skupština NALAS-a	1
Načelnici općina u FBiH protiv odluke o ukidanju naknade za civilnu zaštitu	2
Uz vatromet i poseban program u kojem je učestvovalo preko 1200 učesnika Goraždani proslavili dobijanje statusa grada	3
Uz podršku Općine 13 mladih Jajčana pokreću vlastiti biznis	4
U Posušju svečano otvoren Logistički centar za male i srednje poduzetnike i obrtnike	4
Potpisan ugovor o prijenosu sredstava Vlade Federacije BiH u iznosu od 2 miliona KM za JP Aerodrom Bihać	5
Najveća investicija u Visoko- uskoro završetak radova na pješačkom mostu preko Bosne	6
Održan sastanak sa predstavnicima Svjetske banke	6
Grad Široki Brijeg nositelj projekta prekogranične saradnje	7
Grad Cazin: Izrada glavnog projekta za sanaciju dvorca na Starom gradu Ostrožac	8
Kakanj će dobiti još jedan uređen i modern javni objekat koji služi građanima	8
Mladi organizirali simuliranu sjednicu Gradskog vijeća Mostara	9
Postavljanje zvučne saobraćajne signalizacije na raskrsnici Pofalići	9
Općina Ilidža i dalje lider u Kantonu po broju ostvarenih noćenja turista	10
Najava obilježavanja dana općina i gradova za mjesec juni/ lipanj	11

Bilten Saveza općina i gradova Federacije Bosne i Hercegovine

ODRŽAN RADNI SASTANAK DIREKTORICE I PREDSEDNIKA SAVEZA

U Općini Hadžići održan je 29. maja/ svibnja prvi sastanak direktorice Saveza općina i gradova Federacije BiH Vesne Travljanin sa novoizabranim predsjednikom Predsjedništva Saveza i načelnikom Općine Hadžići gospodinom Hamdom Ejubovićem. Podsjećamo da je na Izornoj skupštini Saveza općina i gradova Federacije BiH, održanoj 5. maja/ svibnja u Čapljini, za predsjednika Predsjedništva Saveza izabran načelnik Hadžića Hamdo Ejubović, a za njegovog zamjenika načelnik Tomislavgrada Ivan Vukadin. Na sastanku je razgovarano o daljem provođenju Strategije razvoja Saveza za period 2015.-2022. godine.



Razgovarano je o statusu lokalne samouprave u Federaciji BiH i o zajedničkom djelovanju općina i gradova kroz Savez, a prije svega na zakonima na kojima Savez već duži period radi (Zakon o šumama, Zakon o raspodjeli prihoda, Zakon o turizmu, Zakon o zaštiti i spašavanju itd.) Gospodin Ejubović se interesovao za finansijsku održivost Saveza. Savez će se aktivno uključiti na Konferenciju „Otvorena pitanja Sporazuma o stabilizaciji i pridruživanju (SSP)", koja će se održati 7. juna/ lipnja u Parlamentarnoj skupštini Bosne i Hercegovine.

U novom, četverogodišnjem sazivu Predsjedništva Saveza su načelnici / gradonačelnici sljedećih općina / gradova: Hadžići, Tomislavgrad, Centar Sarajevo, Cazin, Orašje, Teočak, Goražde, Posušje, Kakanj, Jajce, Čitluk, Sarajevo i Livno. Dogovoreno je da će prva konstituirajuća sjednica Predsjedništva Saveza održati 28. juna/ lipnja 2017. godine.

ODRŽANA GENERALNA SKUPŠTINA NALASA



NALAS, Mreža asocijacija lokalne samouprave u jugoistočnoj Europi, održala je od 17.-19. maja/svibnja u Beču (Austrija) XII Generalnu skupštinu. Ove godine paralelno sa ovim događajem održana je I Dunavska konferencija za vode. U uvodnom dijelu Generalne skupštine NALAS-a govorili su dosadašnji predsjednik NALAS-a Naim Ismajli, potpredsjednica Kongresa lokalnih i regionalnih vlasti Vijeća Europe Breda Pečan i specijalni savjetnik komesara EK Franz Schausberger. Delegati su analizirali rad regionalne asocijacije u 2016. i plan rada za 2017. kao i raspravljali i odobrili novi Strateški plan mreže za period 2018. -2022. Skupština je zauzela stav po pitanjima dviju političkih pozicija - o proširenju EU na Zapadnom Balkanu i o lokalnoj vlasti i njihovim asocijacijama kao ključnim akterima u procesu integracije u EU, te potrebi razvoja kapaciteta u sektoru vodosnadbijevanja i sanitarne kontrole u jugoistočnoj Europi.



Drugog dana konferencije predstavnici Asocijacije općina učestvovali su na radionici Uloga lokalne samouprave u planiranju investicija i unaprjeđenju usluga u području vodosnadbijevanja i odvodnje i izazovi pružanja usluga vodosnadbijevanja i odvodnje u ruralnim područjima. Za novog predsjednika NALAS-a izabran je zamjenik predsjednik Saveza općina i gradova Republike Srpske Mićo Mičić. Predstavnici lokalne samouprave zemalja članica NALAS-a su također imali priliku razgovarati o održivom upravljanju vodama te mogućnostima i uslovima pružanja kvalitetnih vodnih usluga građanima. U okviru programa konferencije, NALAS je bio domaćin radionice o ulozi lokalnih samouprava u planiranju ulaganja i poboljšanju efikasnosti vodovodnih i sanitarnih usluga na kojoj su učestvovali gradonačelnici, načelnici, predstavnici nacionalnih asocijacija lokalne samouprave i eksperti,

NAČELNICI OPĆINA U FBiH PROTIV ODLUKE O UKIDANJU NAKNADE ZA CIVILNU ZAŠTITU



Predstavnici Saveza istaknuli su kako bi se ukidanjem naknade za ovu aktivnost u iznosu od 0,5 posto zaustavila daljnja izgradnja sustava zaštite i spašavanja

Zdenko Jurulj
Gradonačelnici i načelnici okupljeni oko Saveza općina i gradova FBiH usprotivili su se načinu na koji je federalna Vlada, po novim zakonskim odredbama, uredila način na koji se financiraju uprave za civilnu zaštitu.

Razgovor sa Vladom
Nakon nedavno održanog sastanka sa premijerom Fadilom Novalićem i predstavnicima Federalne uprave za



civilnu zaštitu, na kojem je raspravljano o izmjenama i dopunama Zakona o zaštiti ljudi materijalnih dobara od prirodnih i drugih nesreća, predstavništva Saveza općina i gradova Federacije BiH protive se novom zakonu u koje se propisuje ukidanje posebne naknade za zaštitu od prirodnih i drugih nesreća iz sredstava pravnih osoba koje poslodavci izdvajaju u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća. „Predstavnici Saveza istaknuli su kako bi se ukidanjem posebne naknade za ovu aktivnost u iznosu od 0,5 posto zaustavila daljnja izgradnja sustava zaštite i spašavanja te bi u sljedećim godinama došlo do negativnih učinaka u organizaciji i opremanju općinskih struktura civilne zaštite“, stoji u priopćenju Saveza. Nedavno je objavljena informacija po kojoj se sredstva za borbu protiv prirodnih i drugih nesreća stalno smanjuje. Gornja granica rashoda za ovaj sektor projicirana je u iznosu od 152,8 mil. KM za 2015., 135,1 mil KM za 2016. i 136,2 mil. KM za 2017. U okviru ovog sektora Federalna uprava za civilnu zaštitu je za 2016. i 2017. imala značajno smanjenje zahtjeva jer više nije bilo zahtjeva za nabavu zračnih traktora čija se nabava planirala okončati u 2015. Sukladno navedenom, određene su i gornje granice rashoda na ovom razdjelu, a one su u odnosu na izmjene i dopune proračuna FBiH za 2014. u 2015. povećane za 18 posto, dok su u 2016. i 2017. smanjene za 53 posto. Još je prošla „platformaška“ vlast u FBiH, nakon velikih poplava prije nekoliko godina koje su pogodile BiH, na posebnoj sjednici zaključila kako je prostor FBiH, ali i širi dio BiH, podložan jakim potresima, velikim poplavama, visokim snježnim nanosima, posebno u planinskim djelovima, odronima i kizanjem tla, povremenim sušama, kao i tučom i ledom, a u ljetnim mjesecima većim šumskim požarima. Nakon iznesene procjene ugroženosti FBiH od prirodnih i drugih nesreća kao i o zaštiti stanovništva, Vlada je tražila da Uprava civilne zaštite primjerak procjene ugroženosti dostavi svim federalnim ministarstvima, a upravama i upravnim organizacijama zbog izvršenja zadataka koji su za njih utvrđeni.

Sustavi upozorenja

Također će taj dokument biti dostavljen svim vladama županija, načenicima općina i gradonačelnicima zbog usaglašavanja svih pitanja važnih za organiziranje, funkcioniranje i razvoj sustava zaštite i spašavanja u FBiH. Spomenimo da je Vijeće ministara BiH još 2011. napravilo veliki elaborat pod nazivom „Procjene ugroženosti BiH u prirodnim i drugim nesrećama“. U njemu je naglašeno kako za buduća planiranja razvoja institucijama treba omogućiti kvalitetan znanstveno- istraživački rad, osposobiti ih za kvalitetniji operativni rad u segmentima promatranja vremena, analizi i prognozi, klimatologiji, agrometeorologiji i hidrologiji, prognostičkom i klimatološkom modeliranju te razvoju modernog sustava upozoravanja koje već postoje u Europskoj meteorološkoj zajednici.

Predstavnici Saveza istaknuli su kako bi se ukidanjem posebne naknade za ovu aktivnost u iznosu od 0,5 posto zaustavila daljnja izgradnja sustava zaštite i spašavanja te bi u sljedećim godinama došlo do negativnih učinaka u organizaciji i opremanju općinskih struktura civilne zaštite.

UZ VATROMET I POSEBAN PROGRAM U KOJEM JE UČESTVOVALO PREKO 1 200 UČESNIKA GORAŽDANI PROSLAVILI DOBIJANJE STATUSA GRADA



Spektakularnim vatrometom i programom u kojem je učestvovalo preko 1 200 učesnika Goraždani su 20. maja/ svibnja na Gradskom stadionu "Midhat Drljević" proslavili historijski događaj dobijanje statusa grada. Na ceremoniji su bili prisutni predstavnici Saveza općina i gradova Federacije BiH. Ovo je za sve one koji nose u srcu Goražde poseban događaj kojim je Goraždu odato priznanje da s pravom i

ponosom nosi epitet grada zbog svih uspjeha koji su se desili proteklih godina, kako na privrednom, kulturnom, sportskom planu i svim drugim drugim segmentima po kojem je Goražde postalo prepoznatljivo kako u BiH tako i u regionu. Program svečanosti je počeo je slijetanjem helikoptera Oružanih snaga BiH koje su cijelo vrijeme pružale podršku Općini odnosno Gradu Goraždu za vrijeme velikih elementarnih nepogoda, poplava, snježnih nanosa. Nakon toga na stadion su ušle jedinice Civilne zaštite Grada Goražda, da bi program bio nastavljen predstavljanjem historije i osnovnih karakteristika grada. Ovo je bila prilika da se svi Goraždani sjete svojih velikana poput Isaka Samokovlije, Rada Jovanovića, Redža Bekta, Kasima Kamenice, Senjanina Maglajliju, Nudžeima Gece. Nakon toga uslijedio je defile kojeg je činilo preko 1 200 učesnika predstavnika ustanova, škola, udruženja, pojedinaca i svih onih koji su davali i daju svako na svoj način doprinos razvoju Goražda. Potom je uslijedilo podizanje zastave koju su podigli Zaim Šuman, Džejla Ramović, Sanin Kanlić, Aldin Mičivoda, Adi Alikadić, Sara Meidna Šehović, Berin Spahović koji su Goraždanima dobro poznati po svojim uspjesima. Čestitke sugrađanima povodom ovog historijskog trenutka uputio je gradonačelnik Grada Goražda dr.sci. Muhamed Ramović koji je kazao – "Dragi sugrađani, zvanice, mladosti Goražda srdačno vas pozdravljam i želim kao prvi gradonačelnik da Vam poželim dobrodošlicu u Goražde. Goražde je zaslužilo ovaj status. To je grad sa dugom historijom. Goražde je prvi otvoreni grad u BiH. Goražde je grad suživota i tolerancije, kulture i svih pozitivnih stvari vezano za jednu lokalnu zajednicu. Goražde ima najbolje privrednike, najbolju omladinu. Želim da Vam kažem da ćemo predati ključ grada Goražda našim najmlađima, kojima ostavljamo ovaj grad u amanet, da ga čuvaju, vole i grade." Nakon obraćanja, gradonačelnik Muhamed Ramović ključeve grada predao je najmlađim stanovnicima koji su ih opet uručili kustosu Zavičajnog muzeja Grada Goražda Adiju Džemidžiću na trajno čuvanje. Burnim aplauzima prisutni građani ispratili su ovaj svečani čin proglašenja Goražda gradom uz pjesme "Snivaj Goražde" i "Da Goražde mi živi" koje su izveli djeca Grada Goražda. Poslije zvaničnog dijela svečanost je nastavljena vatrometom i nastupom naše velike bh estradne zvijezde Hanke Paldum koja je goraždansku publiku oduševila izvedbom svojih brojnih hitova.

KORISNI LINKOVI ZA PREDPRISTUPNE FONDOWE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.cbic-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Grb Grada Goražda



UZ PODRŠKU OPĆINE 13 MLADIH JAJČANA POKREĆE VLASTITI BIZNIS

Potpisivanjem Ugovora o dodjeli bespovratnih sredstava namijenjenih poticaju zapošljavanja mladih ukupne vrijednosti 78.243.00 KM trinaest mladih Jajčana i Jajčanki pokreću vlastiti biznis. Aida Klapuh, Adis Čagalj, Emina Hajder, Melkisa Šido, Esma Zjajo, Amina Harambašić, Marin Ladan, Sanja Davidović, Salih Duranović, Enisa Hajder, Aldin Glamočić, Samir Tatarević i Kanita Zjajo mladi su ljudi čije su poslovne ideje izabrane kao uspješne na Javnom konkursu za izbor uspješnih kandidata za samozapošljavanje mladih.



Otvaranje turističke agencije, proizvodnja proizvoda od drveta, mini pekara, uzgoj i proizvodnja gljiva, pasta natura – proizvodnja tjestenine, frizersko-kozmetički salon, proizvodnja biomase – drvenog peleta, izrada nakita, taksi služba, servis za čišćenje, proizvodnja konzumnih jaja i pilećeg mesa i uzgoj prepelica i proizvodnja prepeličnih jaja su poslovne ideje mladih Jajčana koje će biti realizirane u narednom periodu. Općina Jajce dodijelila je bespovratna sredstva u vidu finansijske pomoći za pokretanje biznisa. Ugovore sa korisnicima sredstava potpisao je Načelnik općine Jajce Edin Hozan i mladima koji ovim sredstvima započinju svoj prvi vlastiti biznis poželio mnogo sreće i uspjeha u radu. „Želim vam mnogo uspjeha, a naš cilj je bio da mladim ljudima koji imaju razvijenu ideju svog vlastitog biznisa pružimo pomoć u pokretanju biznisa. Upućujem vam čestitke za ideje koje ste imali i odvažnost da ih realizujete. Općina Jajce će vam biti na raspolaganju i u narednom periodu, da pomogne u realizaciji vaših ideja ali i da vas potakne da nastavite sa razvijanjem vlastitog biznisa“, rekao je Načelnik Općine Jajce Edin Hozan potpisujući Ugovore sa mladim Jajčanima budućim poduzetnicima. Ovo je druga godina da Općina Jajce na ovakav način pomaže mladim i poduzetnim ljudima, ali je želja da ovakvu vrstu poticaja, koji se, u zavisnosti od ideje, kreće od 2.300 do 10.000 KM, i narednih godina koristi i veći broj mladih.

„Želim vam mnogo uspjeha, a naš cilj je bio da mladim ljudima koji imaju razvijenu ideju svog vlastitog biznisa pružimo pomoć u pokretanju biznisa. Upućujem vam čestitke za ideje koje ste imali i odvažnost da ih realizujete. Općina Jajce će vam biti na raspolaganju i u narednom periodu, da pomogne u realizaciji vaših ideja ali i da vas potakne da nastavite sa razvijanjem vlastitog biznisa“, rekao je Načelnik Općine Jajce Edin Hozan .

U POSUŠJU SVEČANO OTVOREN LOGISTIČKI CENTAR ZA MALE I SREDNJE PODUZETNIKE I OBRТNIKE



Logistički centar za male i srednje poduzetnike i obrtnike u općini Posušje u poslovnoj zoni Osrdak otvorili su 29. maja/ svibnja s početkom u 11 sati općinski načelnik Branko Bago i sekretar Federalnog ministarstva razvoja, poduzetništva i obrta Jozo Bejić. Općinski načelnik Branko Bago kazao je kako je današnji događaj jedan od koraka u nizu koje Općina poduzima kako bi pomogli domaćem gospodarstvu. „Imali smo već interesa i upita za prostor u ovom centru. Tim povodom danas je raspisan i Javni natječaj za korištenje ovog prostora. Federalno ministarstvo razvoja,

poduzetništva i obrta, čuli smo danas, pomoći će svim zainteresiranim s finansijskom injekcijom za osnutak tvrtke, a općina Posušje će ovim prostorima i savjetima pomoći ljudima da startaju“, kazao je Bago. Sekretar Federalnog ministarstva razvoja, poduzetništva i obrta Jozo Bejić je kazao da ministarstvo raznim politikama i poticajima pomaže start up tvrtke i slične projekte. Ivan Miličević iz Odjela za razvoj Općine Posušje je kazao kako je ova institucija odlučila kreirati instrument podrške novom zapošljavanju kroz otvaranje novih proizvodnih poduzeća i obrta kao najboljeg oblika zapošljavanja koji dugoročno ima priliku opstati kako u Posušju tako i u Hercegovini.



Grb Općine Posušje

Općina Posušje nastoji poticati razvoj malog i srednjeg proizvodnog i uslužnog poduzetništva s ciljem stvaranja mogućnosti za otvaranje novih radnih mjesta i stvaranja nove dodane vrijednosti kako bi se potaknuo veći rast lokalnog gospodarstva. Ovaj projekt realiziran je zahvaljujući inicijativi općine Posušje prema Federalnog ministarstva poduzetništva, razvoja i obrta, Švicarskoj Vladi i UNDP-u BiH s kojima je općina Posušje zajednički financirala izgradnju ovog objekta.

POTPISAN UGOVOR O PRIJENOSU SREDSTAVA VLADE FEDERACIJE BIH U IZNOSU OD 2 MILIONA KM ZA JP AERODROM BIHAĆ



Federalni ministar prometa i komunikacija Denis Lasić potpisao je 31. maja/ svibnja u gradskoj upravi Bihaća sa Elvedinom Sedićem, direktorom JP Aerodrom Bihać ugovor o prijenosu sredstava kapitalnog transfera za JP Aerodrom Bihać. Ugovorom su osigurana sredstva u iznosu od 2 miliona KM, a prema riječima Šuhreta Fazlića, gradonačelnika Bihaća, dodijeljena sredstva konačno su potvrda da ovaj dio Bosne i

Hercegovine nije zaboravljen, zahvalivši pri tom Vladi F BiH i ministru Šemsudinu Dediću koji je sa kolegom ministrom Denisom Lasićem pomogao pri osiguravanju sredstava za aerodrom u Bihaću. „Trudimo se da od ovog ne pravimo veliku pompu, već želimo provesti procedure i izabrati izvođače za one radove kako je i navedeno u ugovoru i stvoriti uslove da možemo konkretnije govoriti o projektu izgradnje aerodroma Bihać. Ono što sam i ranije govorio da ako ne može ovaj dio BiH dobiti brzu cestu, nemamo u funkciji Unsku prugu, onda možemo očekivati podršku kada je u pitanju aerodrom Bihać i uvjeren sam da ona neće izostati u narednom periodu „ kazao je gradonačelnik Fazlić. Kako je istaknuto tokom potpisivanja ugovora, obezbijeđena sredstva u iznosu od dva miliona KM, biti će utrošena za projektnu dokumentaciju aerodroma (500.000 KM), ograđivanje poletno-sletne staze i pratećih objekata (400.000 KM), izgradnju pristupne ceste (400.000 KM), izmještanje postojećih objekata (500.000 KM) i dobijanje atesta, dozvola i licenci (200.000 KM). Kako je istakao resorni ministar Denis Lasić, navedena sredstva su namjenski prikupljena sredstva od putničke takse koja se naplaćuje isključivo za razvoj avio infrastrukture u F BiH. On je naglasio da je jedan od prioriteta resornog ministarstva ulaganje u avio infrastrukturu u F BiH s ciljem poboljšanja usluga prometa putnika, odnosno kako bi aerodromi u F BiH bili još konkurentniji aerodromima u okruženju i regiji. Potpisujući danas ugovor, Elvedin Sedić, direktor JP Aerodrom Bihać naglasio je da su osigurana sredstva u iznosu od 2 miliona KM značajan korak u smjeru podizanja privredne i turističke aktivnosti u USK-a, budući da, ističe Sedić, ulaganje u prometnu infrastrukturu uvijek prati i poboljšanje kvalitete poslovnog okruženja. „Napravili smo prvi korak i sada valja zasukati rukave i iskoristiti doznačena sredstva za onu namjenu kako je i navedeno u ugovoru i istinski se nadam da smo otvorili priču u pozitivnom smjeru i da ćemo kroz model koji bude najprihvatljiviji i najisplativiji, izgraditi aerodrom u Bihaću“, kazao je Sedić.

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelsmmed.com
www.eacea.ec.europa.eu



Grb Grada Bihaća



Pratite našu
web stranicu

NAJVEĆA INVESTICIJA U VISOKOM- USKORO ZAVRŠETAK RADOVA NA PJEŠAČKOM MOSTU

Krajem prošle godine u Visokom je počela realizacija očekivanog projekta izgradnje pješačkog mosta preko rijeke Bosne od naselja Luke do Ozrakovića. Prema riječima nadležnih za ovaj projekt iz općinske administracije u Visokom, riječ je o velikom razvojnom projektu koji sa sobom nosi i druge projekte u budućnosti. "Pješački most koji je u izgradnji razvojno-kapitalnog je značaja za Visoko te se u cjelosti finansira iz općinskog budžeta. Ovaj most će



povezati dva velika naselja, i to naselje Luke i naselje Ozrakovići, te će omogućiti lakši pristup gradskom centru svim stanovnicima iz prigradskih naselja koja gravitiraju oko Ozrakovića", rekao je Mugdim Ćosović iz Odsjeka za lokalni i ekonomski razvoj Općine Visoko. Riječ je o tehnički zahtjevnom pješačkom mostu jer se premošćava rijeka Bosna, s rasponom od 75 metra i širinom koja varira od 4,7 m do 6,5 metra. "Prilikom izrade idejnog rješenja mosta, nastojali smo da on zadovolji sve standarde savremene arhitekture, te će cijelom svojom konstrukcijom biti osvijetljen. Njegova izgradnja počela je krajem augusta, da bi uslijed zimskih neprilika bila zaustavljena, a početkom ove godine nastavili smo radove", dodao je Ćosović. Cjelokupna realizacija ovoga projekta predviđena kapitalnim ulaganjima za 2016. godinu iznosi 600.000 KM. "Završeni su radovi na postavljanju čeličnih zatega i sklopova, te u ovom trenutku most stoji kao stabilan objekt i u fazi smo skidanja oplate. Nakon ove faze, prelazimo na opremanje mosta, odnosno postavljanje ograde i vanjsko uređenje s jedne i druge strane obala rijeke Bosne. Prema trenutnoj dinamici radova, nakon ovoga izvršit će se tehnički prijem mosta, a svečano otvorenje je planirano za Dan općine Visoko - 29. august ove godine", kazao nam je Ćosović. Izgradnjom mosta stvaraju se pretpostavke za buduće projekte kao što su izgradnja velike, moderne podzemne garaže na području ovog lokaliteta, uređenja šetnice uz rijeku Bosnu, te povezivanja uže gradske jezgre s poslovnom zonom Ozrakovići koja je jedna od najatraktivnijih u BiH.

Prilikom izrade idejnog rješenja mosta, nastojali smo da on zadovolji sve standarde savremene arhitekture, te će cijelom svojom konstrukcijom biti osvijetljen. Njegova izgradnja počela je krajem augusta, da bi uslijed zimskih neprilika bila zaustavljena, a početkom ove godine nastavili smo radove", rekao je Mugdim Ćosović iz Odsjeka za lokalni i ekonomski razvoj Općine Visoko.

ODRŽAN SASTANAK SA PREDSTAVNICIMA SVJETSKE BANKE



Dana 17.05. predstavnici Svjetske banke, zaduženi za implementaciju „Projekta razvoja navodnjavanja u Bosni i Hercegovini „ pod projekat Cvilinsko polje, boravili su kod načelnika Općine gosp. Zijada Kunovca, kao bi se upoznali sa tokom implementacije projekta. Načelnik je predstavnike Svjetske banke detaljno upoznao sa aktivnostima koje su urađene na primarnoj mreži kao i aktivnostima koje su u toku na sekundarnoj mreži. IFAD je raspisao javni poziv za odabir izvođača radova na sekundarnoj mreži koji će biti okončan 22.05.2017. godine. Obaveza

Općine u realizaciji sekundarne mreže je da učestvuje u finansiranju radova u visini od 30 %. Načelnik je takođe ukazao na problem pumpne stanice sa usisnom korpom koja nije pozicionirana na adekvatnoj visini i tokom većeg vodostaja Drine dolazi do ugroženosti same stanice. Predstavnici Svjetske banke su zahvalili načelniku na prijemu i izrazili zahvalnost na susretljivosti i ozbiljnosti tokom citavog procesa realizacije projekta Cvilinsko polje a posebno na angažovanosti pri realizaciji izrade projektne dokumentacije sekundarne mreže.



Grb Općine Foča FBiH

GRAD ŠIROKI BRIJEG NOSITELJ PROJEKTA PREKOGRANIČNE SARADNJE



Projekt „Adriatic canyoning“ kojim su partneri iz 3 zemlje aplicirali u okviru 1. poziva Interreg-IPA CBC Croatia-Bosnia and Herzegovina-Montenegro, u julu prošle godine, bit će financiran iz prepristupnih fondova Europske unije. Povodom toga u Splitu su potpisana još tri ugovora. Uz direktora Agencije za regionalni razvoj Republike Hrvatske i čelnicu Upravljačkog tijela gđu Stellu Arneri, ugovor o bespovratnim sredstvima EU-a u vrijednosti od 1.598.253,00 eura za projekt Adriatic Canyoning potpisao je gradonačelnik Širokog Brijega Miro Kraljević. Projektni prijedlog predat je u okviru treće

prioritetne ose „Unaprjeđenje razvoja turizma i očuvanje kulturne i prirodne baštine“, i rezultat je zajedničkog rada 6 partnera. Leader na projektu je Grad Široki Brijeg, a ostali partneri su: Općina Grude, Grad Drniš, Grad Obrovac, „Zadra nova“ – Razvojna agencija Zadarske županije i Agencija za izgradnju i razvoj Herceg-Novog – Herceg-Novi. Ukupna vrijednost projekta svih partnera je 1.880.297,68 €, dok je u okviru toga, za Grad Široki Brijeg predviđeno 461.014,92 €, od čega je 391.862,68 € bespovratnih sredstava.

Projektom Adriatic Canyoning se želi potaknuti razvoj turizma u jadranskom zaleđu, te su u tu svrhu odabrane specifične lokacije (Peć mlini i Borak u BiH, Zrmanja i Čikola u Hrvatskoj, te Orjen i Vrbanj u Crnoj Gori) – mjesta bogata kulturnom i povijesnom baštinom, koja trenutno nisu dio postojeće turističke ponude, a koje će poslužiti kao model za razvoj aktivnog turizma u jadranskom zaleđu. Cilj projekta je ove lokacije integrirati u postojeću turističku ponudu s novim i atraktivnim turističkim sadržajem, namijenjenim turistima i posjetiteljima koji žele aktivniji i adrenalinski odmor. Projekt će trajati 30 mjeseci pod vodstvom vodećeg partnera Grada Širokog Brijega (BiH), te uz sudjelovanje partnera: grada Obrovca, grada Drniša i Agencije za razvoj Zadarske županije ZADRA NOVA iz Republike Hrvatske, te Agencije za izgradnju i razvoj Herceg Novog iz Crne Gore. Planirano je da se kroz projekt kreira prekogranični model za bolje upravljanje i održivo korištenje prirodne baštine jadranskog zaleđa, kao i promocija aktivnog turizma koji posljednjih godina bilježi konstantni porast. Na multilateralnom pozivu prekogranične suradnje, predano je ukupno 165 projekata, a Adriatic canyoning je zauzeo treće mjesto na rang listi za prioritetnu os 3, u okviru koje su sredstva odobrena za 5 projektnih prijedloga. Ukupno je odobreno financiranje 21. projekt u sve četiri osi. Glavni cilj ovog projekta je poboljšanje turističke ponude Grada Širokog Brijega, kao i stvaranje kvalitetnijeg ambijenta za život samih građana. Rijeka Lištica koja izvire nedaleko od centra grada, sa svim svojim izvoristima, tokom kroz kanjon i kroz grad stvara jedinstven prirodni ambijent sa velikim potencijalom u smislu turističke ponude grada, a i u poboljšanju svakodnevnog života građana. Svojim tokom u svega par kilometara od izvora do centra grada stvara različite ambijente, tako da je moguće šetnjom iz samog centra grada uz rijeku doći za 20-30 minuta do samih izvorišta i netaknute prirode. Tok rijeke od centra do samih izvorišta je upravo kostur ovog idejnog projekta koji u svojim dijelovima od juga prema sjeveru stvara različite ambijente praćene različitim sadržajima (od ugodne šetnje i vožnje biciklom do adrenalinskih sportova i planinarenja, te razgledavanje prirodne i kulturno-graditeljske baštine ovog kraja). Cijeli obuhvat je u lošem stanju, što se tiče održavanja, opremljenosti urbanom opremom, općenito je prisutna devastacija prostora. Ovim projektom je planirano oplemenjivanje vrijednog prostora i ambijenta arhitektonsko urbanističkim intervencijama, opremanjem adekvatnom urbanom opremom, dodavanjem sadržaja, u smislu što boljeg funkcioniranja kao turističke destinacije a i samog gradskog javnog prostora.

KORISNI LINKOVI ZA
PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Grb Grada Širokog Brijega



GRAD CAZIN: IZRADA GLAVNOG PROJEKTA ZA SANACIJU DVORCA NA STAROM GRADU OSTROŽACU

Gradonačelnik Cazina mr. Nermin Ogršević i direktor Javne ustanove Kulturni centar Emir Šarić danas su potpisali Sporazum o uslovima učešća u realizaciji projekta izrade glavnog i izvedbenog projekta hitnih mjera sanacije, zaštite i konzervacije na dvorcu LotharaBerkša u sastavu nacionalnog spomenika Stari grad Ostrožac. Riječ je projektu čija vrijednost je 45.500 maraka, a sredstva su obezbjeđena aplikacijama Grada Cazina i JU Kulturni centar kod Federalnog ministarstva prostornog uređenja, Federalnog ministarstva



kulture i sporta te Kantonalnog ministarstva obrazovanja, nauke, kulture i sporta. „Ovo je izrazito značajan projekat jer ćemo njegovom realizacijom obezbjeđiti svu potrebnu projektnu dokumentaciju, a nakon toga moći pristupiti i intervencijama odnosno mjerama sanacije i zaštite na dvorcu LotharaBerkša u sastavu nacionalnog spomenika Stari grad Ostrožac. Danas smo takođe, prezentirali i izvedbeni projekat za kuću Nurije Pozderca i tu slijedi izdavanje građevinske dozvole nakon čega smo napokon, hvala Bogu, prošli sav taj mukotrpan put kroz sve zavode za zaštitu kulturno- historijskog naslijeđa na nekoliko nivoa vlasti u državi i došli u situaciju da možemo raditi sam projekat. Imamo i nešto obezbjeđenih sredstava i mi ćemo nastojati da tokom ove i iduće godine izvršimo potrebne intervencije na kući Nurije Pozderca“, istaknuo je gradonačelnik Ogršević prilikom potpisivanja sporazuma. „Mi smo potpisali sporazum i samim tim idemo korak naprijed ka rješavanju svih tih problema koji su bili vezani za zaštitu nacionalnih spomenika odnosno projektnu dokumentaciju. Zahvaljujući našim aplikacijama, Općine i Kulturnog centra, mi smo uspjeli iznaći sredstva za izradu tog projekta“, rekao je Emir Šarić, direktor JU kulturni centar.

Projekat za koji je danas potpisan Sporazum obuhvata izradu glavnog i izvedbenog projekta sanacije dvorca LotharaBerkša sa pratećom dokumentacijom, provođenje geotehničkih istražnih radova u području sahat- kule sa laboratorijskim ispitivanjima i izradom geomehaničkog elaborata te nadzor nad izvođenjem radova i reviziju projektnu dokumentacije.

Mi smo potpisali sporazum i samim tim idemo korak naprijed ka rješavanju svih tih problema koji su bili vezani za zaštitu nacionalnih spomenika odnosno projektnu dokumentaciju.

Zahvaljujući našim aplikacijama, Općine i Kulturnog centra, mi smo uspjeli iznaći sredstva za izradu tog projekta“, rekao je Emir Šarić, direktor JU kulturni centar.

KAKANJ ĆE DOBITI JOŠ JEDAN UREĐEN I MODERAN JAVNI OBJEKT KOGI SLUŽI GRAĐANIMA



Nakon što je izgradila potpuno novi savremeni Dom kulture, te nakon uređenja prostorija u kojima su otvoreni Muzej Kakanj, Gradska galerija likovne umjetnosti i muzička škola, Općina Kakanj nastavlja jačati prostorne kapacitete Javne ustanova Kulturno-sportski centar Kakanj. U toku su radovi na rekonstrukciji upravne zgrade Ustanove u kojoj se, uz kancelarije, nalaze i učionice, te mala sala. Predviđeno je da se izvrši zamjena dotrajale stolarije, postavljanje novog krova, zidanje dodatnih zidova, te utopljanje

objekta. U konačnici cilj je da se poveća energetska efikasnost objekta, stvori ugodniji ambijent za rad, te postigne vizuelni estetski efekat. „Kompletan objekat je u lošem građevinskom stanju sa dotrajalom stolarijom i ruševnom fasadom što uveliko otežava rad kod zaposlenika ali i svih korisnika naših usluga, obzirom da su ove objekte najviše koristili polaznici kurseva kroz segment obrazovanja. Ovo će za nas biti veliki poklon općine Kakanj povodom jubileja 50 godina postojanja Javne ustanove Kulturno-sportski centar Kakanj koji obilježavamo ove godine“, rekao je Aldin Šljivo, direktor JU KSC Kakanj.



Grb Općine Kakanj

MLADI ORGANIZIRALI SIMULIRANU SJEDNICU GRADSKOG VIJEĆA MOSTAR

U mostarskoj Gradskoj vijećnici je organizirana simulirana sjednica Gradskog vijeća Mostara koju je organiziralo Vijeće mladih tog grada, u saradnji s njemačkom fondacijom SHL i Gradom Mostarom. Naime, 35 mladih iz Mostara je 29. maja/ svibnja sjelo u stolice gradskih vijećnika kako bi raspravljali te demokratskim putem donijeli odluke od važnosti za Mostar, a posebno za mlade. Predsjedavajući simuliranog Gradskog vijeća Ivo Čarapina kazao je kako su se mladi za današnje zasjedanje pripremali tokom protekla tri dana, navodeći da će na sjednici iznijeti sve one probleme koje



su zajedno uočili te ponuditi rješenja za njih. Mladi su, kako je dodao, detektirali problem nezaposlenosti, posebno visokoobrazovanih kadrova, kao i probleme u oblastima obrazovanja, kulture, ekologije i sporta, posebno naglasivši nedostatak sportske dvorane. Naveo je i kako očekuju podršku gradske administracije. „Nadamo se velikoj podršci Gradske uprave Mostara i svih onih koji nam mogu pomoći u rješavanju problema koje smo u protekla tri dana identificirali“, kazao je Čarapina. Potpredsjednica Gradskog vijeća Hana Benca ocijenila je kako su mladi u Mostaru prepušteni sami sebi te kako ovaj projekt pokazuje da mladi imaju inicijativu, da su ambiciozni, da razmišljaju kritički, da žele promjene i da su spremni raditi na njima. Po riječima jedne od učesnica Anje Kresojević, današnje zasjedanje je značajno ne samo da bi se mladi uključili u probleme grada, već da bi ponudili i neke prijedloge za koje se nadaju da će ih Gradska uprava prepoznati kao vrijedne i dalje raditi na njima. Pozdravljajući prisutne, gradonačelnik Mostara Ljubo Bešlić pozvao je mlade da kroz svoje rasprave u jednom dijelu budu zamjena za Gradsko vijeće, koje u tom gradu ne postoji već duži period, te da donesu odluke koje su vrlo važne za razvoj društva i Grada Mostara kada su u pitanju mlade osobe. Izrazio je uvjerenje da će mladi, kroz odbore koje su formirali, dati dobra rješenja i pomoći administraciji Grada Mostara u rješavanju pitanja infrastrukture, sporta i kulture, volontiranja i drugog. Gradonačelnik je obećao da će gradska administracija uvažiti sve ono oko čega se mladi danas slože te da će im dati priliku da svoje prijedloge prezentiraju na kolegiju gradonačelnika kako bi neki od njihovih projekata bio realiziran. „Želim da iskoristite ovo vrijeme i da se educirate kao parlamentarci Grada Mostara“, poručio je Bešlić. Svečanom otvaranju, uz ostale, prisustvovali su i predstavnici međunarodnih organizacija te nevladinog sektora. Inače, mladi koji sudjeluju u ovom procesu birani su javnim natječajem, a cilj događaja je promovirati vrijednosti demokratije, javno donošenje odluka, te osnažiti mlade u provođenju ideja i projekata koje smatraju bitnim za razvoj lokalne zajednice.

POSTAVLJANJE ZVUČNE SAOBRAĆAJNE SIGNALIZACIJE NA RASKRSNICI POFALIĆI

Načelnik Općine Novo Sarajevo Nedžad Koldžo i ministar saobraćaja Kantona Sarajevo Mujo Fišo 29. maja/ svibnja ove godine potpisali su Sporazum o zajedničkom sufinansiranju projekta postavljanja zvučne saobraćajne signalizacije i taktilnih linija vođenja za slijepa i slabovidna lica na raskrsnici Pofalići. U svom obraćanju općinski načelnik Nedžad Koldžo istakao je da je ovo nastavak realizacije projekta postavljanja zvučne signalizacije i taktilnih ploča vođenja na najfrekventnijim raskrsnicama na području općine Novo Sarajevo.



Grb Grada Mostara

KORISNI LINKOVI ZA
PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelsmad.com
www.eacea.ec.europa.eu



Pratite našu
web stranicu



„Prošle godine u saradnji sa Ministarstvom saobraćaja KS opremili smo dvije najprometnije raskrsnice zvučnom signalizacijom, Malta i Socijalno, a ove godine navedena signalizacija bit će postavljena i na raskrsnici Pofalići, čime će se povećati bezbjednost kretanja slijepih i slabovidnih lica“, istakao je načelnik Koldžo, te dodao da će ove godine biti izrađena i projektna dokumentacija za postavljanje zvučne signalizacije i na raskrsnici Čengić Vila. Ministar Mujo Fišo naglasio je da Općina Novo Sarajevo prednjači od ostalih lokalnih zajednica kada je u pitanju realizacija navedenog projekta, te da će Ministarstvo saobraćaja KS podržati ovu Općinu, ali i

ostale općine sve sa ciljem pružanja što veće sigurnosti u saobraćaju slijepih i slabovidnih osoba. Ukupna vrijednost projekta je 60.000 KM, od čega će Općina Novo Sarajevo i Ministarstvo saobraćaja KS izdvojiti po 30.000 KM. Proceduru javne nabavke za odabir izvođača radova na postavljanju zvučne saobraćajne signalizacije i taktičkih ploča vođenja će provesti Općina Novo Sarajevo, dok će potreban nadzor nad izvođenjem radova osigurati Ministarstvo saobraćaja Kantona Sarajevo.

OPĆINA ILIDŽA I DALJE LIDER U KANTONU PO BROJU OSTVARENIH NOĆENJA TURISTA

Prema podacima Zavoda za informatiku i statistiku Kantona Sarajevo za 2016. godinu, kao i predhodnih godina, Općina Ilidža je lider u Kantonu Sarajevo po broju dolazaka i ostvarenih noćenja turista, a u samom vrhu je na nivou Bosne i Hercegovine. Broj registriranih dolazaka na Ilidžu u 2016. godini je 150.165 gostiju, koji su ostvarili 285.675 noćenja u istom periodu. Smještajni kapaciteti na Ilidži čine 33 posto ukupne ponude Kantona Sarajevo i 10 posto Bosne i Hercegovine. Povećanju smještajnog



kapaciteta, kao i povećanju ukupne turističke ponude doprinjela su velika ulaganja privatnog sektora u izgradnju novih hotela, te dogradnju i rekonstrukciju postojećih ugostiteljsko-turističkih sadržaja. Izgrađeni su novi hoteli i ova ulaganja su imala pozitivan uticaj na povećanje stope zaposlenosti. Na području općine Ilidža ima 27 smještajnih objekata (23 hotela, po jedno hotelsko naselje-auto kamp, motel, hostel i ženski studentski dom) sa ukupno 1.736 smještajnih jedinica/soba i 3904 kreveta/ležaja. Pored respektabilnog kapaciteta hoteli su opremljeni i drugim sadržajima: kongresnim dvoranama, restoranskim mjestima, ljetnim baštama, svečanim salonima, otvorenim i zatvorenim bazenima, sportskim salama i drugim pratećim sadržajima, čime je obogaćena turistička suprastruktura i proširen spektar ponuda turističkog proizvoda. Pored navedenog, neizostavno treba napomenuti da turističkoj ponudi doprinose lokaliteti Vrelo Bosne i Spomeničkog kompleksa „Tunel D-B“ koji su u žiži interesovanja kako stranih, tako i domaćih turista.

Prošle godine u saradnji sa Ministarstvom saobraćaja KS opremili smo dvije najprometnije raskrsnice zvučnom signalizacijom, Malta i Socijalno, a ove godine navedena signalizacija bit će postavljena i na raskrsnici Pofalići, čime će se povećati bezbjednost kretanja slijepih i slabovidnih lica“, istakao je načelnik Nedžad Koldžo.



OPĆINA ILIDŽA

Grb Općine Ilidža



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

facebook

Savez općina i gradova Federacije

Gledajte Savez općina i gradova Federacije Bosne i Hercegovine na

Pratite Savez općina i gradova FBiH na

You Tube

g+

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA OBJEŽAVANJA DANA OPĆINA I GRADOVA ZA MJESEC JUNI/ LIPANJ

02. juni/lipanj - Dan Općine Gračanica. Na ovaj datum 1429. godine nastao je najstariji pisani dokument o historijskom razvoju gračaničkog kraja u kojem se spominje srednjovjekovni grad Soko, za kojeg se vezuje ime Gračanice. Naime, riječ je o ženidbenom ugovoru između kneza Radivoja i Nikole Veličkog iz 1429. godine, u kojem se Knez Radivoje sklapajući brak sa Katarinom, kćerkom slavonskog feudalca Nikole od Velike (mjesto blizu Slavonske Požege), 2. juna 1429. godine, u Budimu, obavezao da će tastu i punici Margariti, pored ostalog, pokloniti polovinu Sokola i dio svojih imanja u Bosni i Slavoniji.

14. juni/lipanj - Dan Općine Novi Travnik. Na taj dan 1949. godine Josip Broz Tito, kao predsjednik Vlade Federativne Narodne Republike Jugoslavije i ministar narodne obrane, potpisao je Rješenje o osnivanju poduzeća «Bratstvo» na poljima sela Kasapovići, današnji Novi Travnik. Uporedo sa izgradnjom tvornice krenulo se i sa izgradnjom prvih stambenih zgrada, što je s vremenom izraslo u grad.

16. juni/lipanj - Dan Općine Konjic. Ovaj dan je značajan za Konjic jer predstavlja sjećanje na prvo pisano spominjanje imena Konjic iz 1382. godine.

19. juni/lipanj - Dan Općine Živinice. Toga dana 1959. godine odlukom Narodne skupštine NR BiH Živinice dobijaju status općine.

21. juni/lipanj - Dan Općine Srebrenik. Tog dana je 1992. godine Općina Srebrenik oslobođena.

24. juni/lipanj - Dan Općine Vogošća. Za spomenuti datum se vežu dva bitna događaja iz 1953. godine, kada je Općina Vogošća prvi put u historiji uspostavljena kao institucija odnosno jedinica lokalne samouprave, i 1992. godine, tokom odbrambeno-oslobodilačkog rata kada su formirani "Vogošćanski odredi" u Vogošći.

